

響

泉

集

響泉集 詩六

金匱顧 光旭 華陽

五世族孫鳴鳳校刊

可排餘藁下

起甲申夏
止丁亥冬

大光樓同鄂五怡雲郎中作

舳舻轉漕接三江權量平均洞八窗天下供輸皆什一樓間風
月自無雙連宵好雨過新壩往歲驚濤沒舊椿大有秋光憑攬
取龍文百斛更誰扛

道光民說百年中財賦東南此會同萬斛舟行來便去千倉粟
轉白兼紅帆收吳楚江山色秋入樓臺穉極風坐看寒雲青不
斷前津遙起鼓隆隆

題唐六如濯足萬里流真蹟

五岳復五岳九州更九州三山可望不可即赤足一洗江光秋
白鳬飛來繞吾足江風吹動江雲收一葉自與乾坤浮青鞋布
襪知何有浩浩長江萬里流

送蔣心餘歸西江

帆影疎疎織綠蒲夕陽多處起檣烏兩行通路亭邊柳一幅歸
舟安穩圖

落拓京華春復春得從杜甫作南鄰明朝相望知何處寒雨連
江思煞人

曰歸作計復遲遲剩得行囊萬首詩愧我貧無車馬贈看君解

纔立多時

買舟容易買山難
鍾阜青青屬謝安
牛渚西江一輪月
無人知道錦袍寒

潞河晚霽東郭怡雲

潞河三百曲
秋霽晚流增
有本皆如是
於斯信未能
野人輪井
稅殘雨
掛魚罾
白鷺青葭外
前舟問李膺

過秦大司寇潞河舟次視疾有作

通潞亭邊一繫舟
味經堂外白雲秋
江寒木落公無渡
鶴唳天

高我欲愁習禮故家人盡去

司寇嘗爲余言少時與蔡德晉吳
龍輩學禮賢揖讓進退以習其儀

著書東觀卷長留

司寇輯五禮通考若干
卷開羅付校而病篤矣

深心讀律皆生意

司寇

嘗謂于曰天壤有二大書
日醫日律皆所以生人也嘆息于張永可侔

秋杪同怡雲帖齋緹橋遊王氏園亭得風字

秋水平於掌霜林望若空移罇誰主客鼓棹自西東

時帖齋緹橋自郎門

來怡雲與余自通州來

燕語將辭社蘆花不礙風往來三十里新句落疎

桐

輓大廷尉王晉川先生

廷尉今已矣清風白旆寒百年秋雨夜一舸潞河千魂魄猶依

闕文章可蓋棺九原孫相國何處罄幽憤

廷尉易簀之前一日呼家人語云故

相國孫文定公耗顧

儒冠趨

玉陛經學起田家戶誦天人策園收子母瓜署名無

蔡廓負土有侯芭歸櫬三千里孤征指暮霞

傳經 皇子傳引退二疏心鐘動黃梁熟燈移紫禁深還家應

化鶴銘墓得留琴執手悲前日談深淚滿襟

郎君能坦腹哀毀骨清臞誼得爲婚媾家惟稱有無

余長女許配公之仲

子門閭看遠大松竹久荒蕪我欲從茲去扁舟歸五湖

薊州道中

立馬崆峒外郊原有早霜風聲連塞起秋色帶山長豐歲多遺
穗田家已滌場欲沽村店飲幾處饗糟床

盤山同怡雲飲宿田舍

山深紅葉路鐘遠白雲鄉邨舍能開醞清秋此對床水涵花影

月烟淨石痕霜欲訪幽人宅

謂鷹青山人故居

閒閒十畝桑

北過烏桓地東經白馬關不逢高義士但見古盤山風側鷄鳴

翅雪深麋鹿斑君看鯨甲

峯名

上月照萬松

寺名

間

大光樓送王孝廉

寬

南歸

雁飛木落送君還帆引離心返照間秋氣滿襟聊縱酒塞雲藏
雨欲沉山大光下上浮天影小別尋常損客顏直據胡床作三
弄西風吹月下前灣

送怡雲秩滿還京二首

輓紅塵裏得同舟埽地焚香過一秋憐我未除湖海氣知君不
戀艸艸侯竹林別後風生戶文選修成月在樓

怡雲嘗居錫雨樓註文選手植

竹木時自灌漑潁行
書一冊以付代者
檻外忽聞鳴鶴去等閒飛起水邊鷗

公忠弼亮舊家聲志業看君繼父兄鍊石補天愁碧落埋盆汲
水照秋清少來不欲當人惠習處真知與物平直向星辰歸使
節潞河源自出昆明

新霽二牖放舟

放舟青門東縱身白鷗外上下明霽色一一清景匯吾心如活
雲瀟蕩水光內朝日忽照之虛明湛空靄彩翠難可名晃朗飛
鳥背落花因風來散入潭影碎一葉任所如斗酒況堪載烟波
隋趣深山樽儻相對相對無片言此意與神會嗒焉隳几臥杳
不知所在

乙酉三月十九日恭迎 家嚴慈至潞河使署是日雨霽

牡丹適開雙花獻瑞喜賦是詩

天邊湛露拜深恩庭際雙葩發舊根三月小園春富貴十年雨

地長兒孫

余於壬申北上時長男永之始生今纔見之

高堂座並連枝樹遲日香浮

獻壽樽自覺朱顏笑相映穠花長帶五雲痕

夜坐寄紀心齋

夜蟬將暑去流響入林希殘雨在修竹微涼生葛衣如何對簷

月復此掩園扉爲問習家飲山公應未歸

簡秦禮堂刺史

路車騎士何時發籍甚聲名大小馮往歲送君湘浦晚深秋落

木楚山空鄭人已息萑苻盜郢客猶傳白雪風

禮堂治歸州盜有記事詩我

讀古來循吏傳漢家於此辟三公

糧艘行

南風糧艘來北風糧艘去去來赴程期萬艘轉通路龍翔駿吳
楚雁行起青豫濟水西北來洪河復東注會通如建瓴牐流互
吞吐令我思白瑛俊傑識時務天庾有正供七州怡其賦元家
垂百年循海入烟霧耗費既不貲漂沒亦無數老人生明初水
脊關新路亡何困民運漕法亦謬誤軍驕民益疲破產資賄賂
前發軍見凌後至官司怒竟亦不及期中丞

卑南陸公

乃拜疏民糧

併入軍政美意良苦得逢

聖人代僉丁不煩募居者予坐

糧行者無耗蠹豈無風波險尺寸守常度船來烹牛羊船去事
婚娶但願河水滿勿嗟歲云暮送爾茲邁行却望烟中樹銜尾
過海門江山指北固

秋日登陶然亭同畫莊葵公

半黃村落白雲鄉薄有秋風漾水光寒霧未消山似睡菊花將
秀葉生香偶來終日停征鞅爲放疎簾護晚涼高柳暮蟬蕭瑟
甚雁聲還下碧天長

禮堂遲子展重陽適雨不赴

今朝芸閣侶遲我潞河干樹色青門雨風聲黃葉寒自添離索
感況憶平生歡詩罷成孤酌餘花聊可餐

訪鄒仲文南柳書齋

鳳城秋色裏下馬立階除握手一相笑自言還著書
落花孤館寂高枕遠鐘餘莫謂知音少看君到石渠

寒夜旅寓帖齋畫莊變公枉過置酒論文次畫莊韻

城頭角轉霜風乾北斗欲落星闌干高歌起舞夜未旦人生快
意須盡歡儀曹雍容駐車騎店舍狼籍空盤餐畫莊詩格故瘦
健王郎玉骨何珊珊當筵論文有同異頗似陸子攻新安半規
殘月逗簷隙獸炭欲死玻璃寒興酣脫帽逞雄辨瀉水平地爲
驚湍古來賢豪不常聚況此直諒多聞難起望青冥浩無極太
行北走高巔屹歌聲激越披心肝後來作者誰登壇

端溪硯歌

井序

郭怡雲嘗示余端溪硯數十方皆絕佳怡雲既還京于貽書乞其一怡雲曰以詩易之因賦兼誌愧云

端溪老坑西江濱持斧剔彼巖際雲隨風片片化爲石飛雨散
作青花文良工琢硯視其質方珪圓璧彪犀紋尚書鐵面錫龍
命持節點檢卽墨軍東方半明月半規池水盡黑波沄沄曾趨
明光侍揮翰花磚日影交清芬鳳咮龍尾我未覩金線紅絲無
令聞匪以玩物竇觀德西林鄂公公名忻鄂公愛硯硯畢致一
日三沐兼三薰左右修竹泛沉碧上下千古隨石君硯兮硯兮
吾語汝汝生巖穴含陰氛如今鄂公雖愛汝良材什伯用志紛

錦茵玉匣久藏弃遲汝不得銘殊勳我今與汝相需殷無論宋
製與晉造鸛鶴飛來青眼分

寄蔣心餘編修金陵二首

南望金陵思渺然草堂何處枕寒烟無邊風月幾狂客如此江
山空釣船介母萊妻同遠志烏衣朱雀又幾年期君且副蒼生
望莫厭塵中車馬緣

猿鶴歸心感舊歡故人衣上酒痕乾濫竽姓氏歟南郭外芋功
名笑懶殘自欲放懷身世拙翻愁作計去留難相思又及梅花
發兩度滄江雨雪寒

錫福樓雪寄懷怡雲比部用東坡聚星堂韻

松身偃仰露松葉樹翅寒禽立檐雪樓中無人雲獨來檻外凝
光照愁絕膠舟別浦何時開驛使聞關一枝折鄂君潔癖人其
知高館虛無香不滅詩成墨凍筆已融竹倒風顛肘頻掣冰心
何處著綺語淨眼翻能拋醉纈亦知禁體聊復爾兀坐夷然無
所屑却嘆人生易別離起看鴻爪成飄瞥會吟空憶謝家才欲
賦還從匡鼎說莫遣凌人夜斬冰低徊一寸肝腸鐵

雪中登大光樓再用前韻

六出無枝亦無葉天葩續紛吹作雪卽看潞水凍不流想見行
人萬山絕橫厲已覺貂裘寒霑濕更愁綿絮拆此時心花却怒
生隨風時起還時滅健鶻衝雲忽下窺饑鷗振影當空掣馬鳴

似惜錦障泥履穿豈假文絲纈客來曠望浩無垠我已忘言坐
霏屑知是天公偶作戲旋消塵土空相瞥乍驚到地大光明却
笑談天費詞說移鐙呼酒上樓來硬語橫空看截鐵

首春陳絙橋農部宅賦梅水仙

石爲枝幹月爲心難和罇前白雪吟爲問江南老處士野橋茆
屋有誰尋

生來仙骨玉璫玲淡寫江南八疊屏一掬微波湘水淥數行文
石楚山青

送朱十二南歸

時令嗣葆
初平於家

乍看雛鳳欲高飛雪滿丹山淚滿衣却恨天涯歸未早童孫三

尺候荆扉

都將心力費窮經
昨歲從予通潞亭
今日渴醪憑寄爵
故園寒食麥苗青

答王六

江湖載酒近何如
鷗鳥相呼傍故廬
楊柳葉深曾駐馬
蘋花水淺不藏魚

潞河舟中同青柯作

新水漲前浦
虛舟放溜行
柁樓人晚飯
海色月華生
來帆接荆揚
去帆落青豫
九點齊州烟
水平天靜處
去來西復東
一灣一轉篷
朝朝占五兩
今日正南風

夢醒山忽斷烟暝水無涯繫纜聽人語懸燈照浪花
前洲樹如薺鏡吹發行舟津吏休迎候落花新白頭
風行萬斛舟厥貢自吳會欲問江南春連檣出雲外
離離水中艸拍拍波上鷗帶雨有時沒因風逐水流
漁浦舟自橫漁翁夜收網不見蘆中人蕭蕭蘆葉響
古戍河西務空倉鳥鼠多前朝流水綠螢火亂烟莎
白河河水清黃河河水濁海舶入蒼茫海水搖空綠
草深聞亂蛙波靜見飛鳥斜月半平林遠鐘聲未了

附
同作

平湖
陳昉

青柯

來船重如山去帆疾於鳥知是江南人相看未了了

上水復下水篙師疾點篙波聲迴柁急雲影亂帆交
微風颺新蒲遠水明翹驚隔浦幾人家夕陽村外樹

題趙千里文姬歸漢圖

老瞞能忍禰衡鼓欲殺不殺付黃祖一朝遣使贖文姬竊取虛
名竟終古當時天下憐伯喈遺女伶俜作亡虜黃金白璧走風
塵此道令人棄如土奸雄作用欺智愚遂使豪俊爲馳驅我憶
文姬悲憤詩却展文姬歸漢圖詩中但道胡地苦及歸却復悲
其雜圖中欲別不忍別大兒掩袂牽羅襦小兒欲前亂招手一
姬持抱慙不舒文姬已與左賢訣背面空見貂襜褕吁嗟文姬
悲思紆上馬不發立踟躕陰山西見使者車誰其圖者趙伯駒

豺虎西京亂無象人民城郭皆邱墟歸寧故家但新鬼託命新
人非故夫悠悠蒼天彼何辜蔡之先世王莽剽鮑宣卓茂同退
居邕父清白邕性孝乃以懷董戕其軀我疑董非能重才學者
遇邕胡與常人殊陰爲左右色取仁片語亦是干天誅不然文
姬一名姝流離困厄至此乎不能殺身辱匈奴復歸漢賊歸更
汗君不見管寧阜帽遼東去豈不懷歸避許都

送青柯還平湖

時將出宰
移疾不就

泠泠澗出泉曖曖雲歸山澗水流不已山雲有時還不辨取合
途寧知出處間長安日扃戶俯視空塵寰多士爭奮興之子胡
獨閒青紫紆世紛葵藿充令顏長揖謝時輩浩然返荆關邱中

鳴綠琴古調今誰彈

題收綸圖送邵蔚田同年歸太倉三首

漾漾江南春茗茗洲中賞迤邐生遠白罍師帶潮上風吹珊瑚樹海色落吾掌緬彼濠濮間拂衣滌塵想

垂綸坐磐石濯足臨具區苟得非所貴乘興聊自娛孤霞上極浦夜火明寒蘆浩歌動歸棹安問魚有無

收綸竟何如烟波冷江樹黃葉四五落慨然風景暮豈無羨魚心常抱臨淵想人事難預期鷗盟恆吾素

寄華二芭洲聞歸後將入越

水落春申浦山圍范蠡城扁舟歸故國日夕起秋聲潦歲悲生

事中年畏客程白蘋洲上望孤月向人清

懷青柯兼寄爽公

回軫怨秋雁空窗啼曙鴉伊人渺何許江上芙蓉花竹色王猷
宅簞香張翰家愁予歸未得誰與飯胡麻

秦帖齋儀部出守楚雄

我思古人去千載風塵一識秦淮海長安騎馬十五春把酒今
看青鬢改年年共住鳳城西古槐深巷對雙扉朝將攜手含香
入暮擬同車秉燭歸攜手同車朝復暮素衣未許緇塵汗棋罷
聯吟陶謝篇酒酣只愛莊騷句遠望高歌幾歲時君過桂林攀
桂枝長沙詞賦三湘遠陸賈聲名百粵知是時分袂猶回首及

至還京別非久折得鸛鵲亭上花來看通潞城邊柳柳花亂落
潞河春予亦銜恩拜命新春艸綠波通一棹西風黃葉轉

雙輪往來路熟時相過清談每向高齋卧訪竹翻憐顧阿瑛留

賓却有陳驚座

謂絕

百年交道見長安四海知心歎路難燈炮

酒闌商出處南宮西掖共盤桓昨聞剖竹行辭闕直指滇南

曉將發亦知宦跡當中分詎謂真成萬里別萬里行邊亦壯遊

一麾出守動鳴騶學校農桑冀渤海風流愷悌章蘇州康濟由

來歸大雅二毛豈必因五馬服政無須赫赫名撫心莫問悠悠

者看君行事能任真惟我羈懷難具陳麗水沙明春漱澣點蒼

雪淨玉嶙峋送君露冕扶桑去正是日南花發處丈夫不負平

生心故山看取秦松樹

陶然亭送別

涼風蕩疎林清暉緩征轡臨歧一揮手馬影亂平地迴車聞暮鐘寒烟冷蕭寺

元夕贈秦庶常

潮

春風久闊絕忽然從東來君亦與之俱乘風上瑤臺袖中攜得瑤臺月飛入中天照雙闕能使長安萬戶歡絳紗然燭酣瓊雪鳳簫龍管爲君吹吹滿金罍君莫辭蒼生霖雨東山起萬里陽春從此始

陶然亭讀江水部

藻

壁間詩

言尋烟中寺愛此亭上山山光滿庭戶令我清心顏伊昔江水
部寄跡胡獬閑休暇闌林莽詩成留壁間流風豈不遠一往六
十年寧知後來者復此增流連微喧散川澤諧氣迴枯菅萬物
各乘化方春鳥綿蠻卽事展遐眺秀嶺如可攀浩歌理輕策新
月生禪關

楊笠湖九兄刺史寄所製吟風閣曲譜題後

吟風閣畔倚闌時折柳橋邊柳萬絲誰識梁州楊刺史自吹羌
管唱新詞

井田硯歌送朱十二之任蜀中

君家藏硯名井田周原萬仞如眼前君今入蜀稅征軼井絡天

彭落吾掌硯兮寥落凡幾秋豈意復此萬里遊先人製井作恒
產後人奉硯爲先疇筆耕墨耒有如此仁政必自經界始川原
高下令君行疆理南東田畯喜巫山巫峽亂猿聲巴童漢女來
相迎文翁石室今猶在杜甫艸堂花正明此時攜硯出公府此
時置硯更懷古人家遙帶杜鵑城鳥道空橫荔枝雨荔枝初熟
杜鵑紅硯雲却繞琴堂東錦江船在青天上麗句聲傳白水中
黑池臥牛角森聳萬壑奔流浩呼洶一卷之石什襲藏作爲雅
頌貢玉堂

送儲宗丞梅夫前輩歸荆溪次原韻四首

暫脫華簪出禁闌岸花汀柳送將歸一疏去日名逾重三徑開

時客共依吾道行藏原自得故人離合未應非迴看前輩親風

雅白首松雲伴鶴飛

謝沈隱君
小山兩先生

隔巷停車許問津平生康濟本詩人老將一代經綸手乞得名
山著述身卜宅鑑湖初願遂買田賜羨舊家貧荷衣惡帶蕭閒
甚來往扁舟訪載頻

延陵古道蔭喬柯罨畫秋光動遠波好繫習家池上馬閒投陶
侃網中梭干將氣燄時藏用科斗文章手自摩共望老成襄袞
職願隨多士賦菁莪

曩嶠方壺未可求誰傳仙訣到丹邱松筠自具千尋碧猿鳥何
知萬古愁高掌凝雙闕曙片帆風峭大江秋道旁車馬歸中

酒待勸先生爲少留

寄錫山同學諸子

童時二三子短艇共江干
烏榜春潮急青山暮雨寒
中年雙鬢換遺道一緘難
擬采芙蓉去秋風白露團

詠古

扶桑日所升吳泉月所登
至人覽八極慮大志不矜
軒轅得風后吹萬無不勝
材理辨質性因之繩器能
偃息無爲宮坐見禮樂興
我思遊其世畫夢隨飛騰

家自述儒墨人自許稷契
三季道淪喪兩漢啟文物
對策窮天人太玄縣日月
終用叔孫儀空守蕭何律
古今遞升降時事互

得失何當復還淳泣麟垂絕筆

俞十一至得王癸公鮑若洲書

故人高卧故山雲一雁南來悵失羣
客止風流王子敬文辭贈
逸鮑參軍夜堂星斗殘棋散舊雨江潮落葉聞
滿地槐花掩三徑病中扶起爲逢君

礬石同年再枉問疾

愛我錢詹事高車能再來病軀淹白晝
荒徑閉蒼苔昨夜聽新雨思君撥舊醅
呼童出看客灑埽草堂開

題俞十一盤冊

兩松交長風吹起秦時月來照夜堂寒
青入虬龍骨

松

虛中明直節瘦影何疎疎但得臨風月爲君掃玉除

竹

枝南復枝北別後渺天涯歸夢冷于雪空山幾歲華

梅

惻悵秋風時盈階積蕭艾感君留別心認取驪人佩

蘭

香清覺波靜鏡裏紅衣冷疎雨過前汀懸珠墮涼影

荷

玉盤貯金粟天香動書屋憶得小堂東月明人託宿

桂

澹澹秋容清雲英化爲露迥露掇其英歸來君始悟

菊

結廬芙蓉湖望見芙蓉山芙蓉出秋雨蕩槩下前灣

芙蓉

心齋詩來索盆蘭報贈

蘭草生何處美人心自知一從秋露下常憶楚江時以我幽居
意感君空谷思相將聊可佩莫便怨開遲

送俞十一赴緒大司馬河東幕府

憶昔初識君，豈意常離羣。裴徊衡門月，曠望淮海雲。君家湖西路，却向蓉湖住。我家與君家，兩村接烟樹。君歸我不歸，年年鴻雁飛。涼風忽以至，微雨紛霏霏。相思一相見，落葉秋將半。憔悴馬相如，伏枕劉公幹。攜君共登樓，愛君寫滄洲。始知徐熙妙，絕勝范寬道。欣言數晨夕，詎謂當睽隔。回首太行高，落日淇河赤。送君此遠行，翠蓋中流明。隨君下南浦，我心如懸旌。君行發梁宋，征路秋霜重。米遂賦長楊，且獻河清頌。

立人姪入蜀

吾兄早世汝舉丁有妹江干尚幼齡匹馬又穿秦棧去一家懸

望蜀山青

乞假示內

平生自愛故山薇
笋籜爲冠木葉衣
但得老萊夫婦好
白頭相對奉庭闈

吳愛棠明府

錢

治吾邑十年民悅之既謝吳縣再遷邳州
民之悅之亦猶吾邑也丁亥冬以遷奉天治中來京師瀕
行爲賦此詩亦風人蔽芾甘棠之思也

地本荆蠻舊公眞泰伯孫政成人自樂官久道彌尊暇日開文
燕仁風到葦門寇恂如可借父老盡攀懷

附公一瓢飲清極畏人知風化移南國文章替左司花開吳苑

夕楓落洞庭時爲問香湓水何如去後思

公開香湓請侯達洞庭從此湖船往來無

風波之患

下邳風猶古山城竹馬迎大河流汴泗終歲半陰晴上下咸寧

日東風起頌聲祇今崇治術天子識公名

美政思何極余初未識公徵車趨直北遺澤滿江東地迴松花

綠天寒柿葉紅仍攜一琴去回軫奏薰風

聽沈滄濤琵琶

鷗絃一撥玉丁丁四座無聲酒半醒誰是潯陽江上客夜深彈

到海東青

響泉集詩六

無錫文苑閣排印

響泉集 詩七

金匱 顧光旭 華陽 五世族孫鳴鳳校刊

風草行廬藁上

是戊子止己丑

風草見尚書及魯論戊子春子有出守西夏之

命王舍人

宸

爲圖附行京華故人多有題詠同年范給諫

植

七

曰君子之德其在斯乎願無忘是圖也抵郡後既已名吾

廬越歲而范卒於官嗟乎吾友已矣其言敢一日忘耶偃仰

披吟用誌章佩

出都望西山

聽曉春明一夢間廿年挂笏看西山如今却遶西山去送我青

青出固關

定州旅舍

擾擾輪蹄撲面塵
藥闌扶憩草如茵
青旗細柳中山酒
烏帽疲驢上谷春
客路暫停疑過夢
旅愁纔減轉思親
伊涼一曲生華髮
無那長征西出秦

卽目

鉅鹿蒼蒼樹渾茫
浩浩風古來征戰地
春發野棠紅

正定道中寄秦帖齋楚雄楊笠湖邛州

黃沙浩浩路環環
新市西來草木殷
大麓風搖鼓子國
堊臺雲擁鐵皇山
軍容燕趙旌旗外
詩格高岑氣象間
安得健兒身手

好鳴鞭躍馬定諸蠻

時發兵
征蠻

抱犢山

抱犢人歸有舊鄉
雲梳石髮不勝涼
車中夢破青山色
市上詩成白酒香
今日春風聞柝日
幾邨殘照下牛羊
霏霏遠翠盈香
掌立馬寒雲滿太行

夜發井陘

北斗錯落南斗橫
出門騎馬雞初鳴
殘月倒啣太行尾
朔風忽作胡笳聲
我行西出井陘口
氣酣拔劍凌幽并
東方半明猶未明
仰見廢壘高崢嶸
英雄成敗詎足論
韓信去後休談兵
上倚巉巖下深澤
背水之戰非上策
左車奇計果見用
十萬雄師竟

誰惜古今形勢未必同
俯仰滄桑已陳迹
攢青疊翠一千尺
山鳥山花送行客
黃雲黯黯寒壓關
澗道陰陰水激石
水濺濺石齒齒
頗牧何人思
將士掛刀夜起行
朔方功成謁帝明
光裏

交城

百里平蕪綠鳴泉
細路通半林空翠
裏數騎夕陽中
茅屋霽新雨
松梢交遠風
披襟清客慮一爲繫青驄

題店壁

前路無平地長程易夕曛
客投邨店火山斷
戍樓雲秦樹淡烟
合晉祠流水分
登臨有餘興躍馬過橫汾

贈任生

生不能騎大宛馬足跡却向燕支下朝見黃河萬里來夜看明月
孟中瀉子夏山前一遇君行春川上望行雲君真感慨悲歌
者我亦欽崎厯落人

黃蘆嶺

禹門河出天河上亂石犇灘馬蹄響黃蘆嶺壓謁泉山鳥窺猿
愁絕來往當時洪水嗟橫流神功聖德覃九州導河積石建瓴
下何必此山非繫舟山名兩崖對開若爻斷水徙石出寒飈颭日
月照耀不到地魑魅盡見無人收土人向我述奇怪雷霆入壁
窮冥搜邇來伐木破蒙密雲氣倒入重泉幽朝廷德澤被遐

邇西山寇盜無淹留巨難胡不鏟青嶂盡使險隘爲田疇嗟余
力弱厭登陟解鞍嶺下聊少休陰風吹腥萬古愁蒼水使者莫
可求梯空欲上騁雄俊雙劍不在安所投回視行人萬峯外落
日蒼蒼虎跡大

西行雜興二十首

并序

行平定州至靖邊凡十有九日車馬之次得絕句二十首感
興無端不自檢點聊以紀河山風土與夫輪蹄雜沓之况舉
似故人一輶然耳

雲日樓西路萬重荒城遠鵬認堯封此間絕少閒田地犁到山
頭第沒峯

涂水千家多穴處居人三月上瓜田晚來松下飯牛罷開枕山

中苔石眠

檢次晉
涂水邑

澹澹春陰薄薄寒片雲將雨去無端迴看昨夜經行處玉鏡雙
鬟畫亦難

河水環流漸沒腰春城細柳雨千條介山殘燒今餘幾綿上青
青長麥苗

野田茅屋帶修坳寂寞生徒守一經爲間當年段千里短垣喬
木夕陽青

暗風疎雨夜聞雞西望潼關再向西漢帝離宮多苜蓿不知天
馬向誰嘶

柳林

地名

西望柳如絲兩板危橋過馬遲見說明朝山更險水清

沙白立多時

無定河邊艸亂生黃雲積裏野花明夜來風雨連山至只似絳
膽萬馬聲

雕山無樹月輪孤白骨成灰碧草枯野火西風吹不盡暮泉鳴

啞哭扶蘇

鳴唱泉扶蘇死處其廟在雕山

詔築長城北守邊咸陽三月化爲烟金棺盡發驪山冷不及將

軍好墓田

蒙恬墓在綏德西四十里

鳳凰飛去鳳凰山眾鳥啁啾各自還爲向嶺頭留一宿朝陽日

影照人間

鳳宿嶺一名鳳凰山相傳有鳳宿其上

悠悠圖水自南流激石鳴沙雨乍收半枕月光鄉夢醒始知身在古陽周

黃沙路遶黃山脊白艸聲寒白玉鞭十里雙湖秦樹綠一邨山翠亂厨烟

文屏

山名

羅列兩山橫清澗

名

周遭百道鳴不耐更聽青塞山雨

敲瓦缶闌秦聲

千金欲買五花馬一劍真須七寶裝李廣初爲上郡守彎弓直取左賢王

堊成無烟白屋貧南風吹雨一犁新山行只厭山容劣著箇烟密便可人

天入延川路轉除北風如吼捲銀沙何人柔櫓江南岸古寺間

看佛日花

四月
八日

聞道哥舒夜帶刀橫行青海氣蕭騷英雄去盡無烽火榆塞春
風落雁毛

蘆關戍罷塞門開萬古征人去不回今日黃河春草綠更誰牧
馬李陵臺

山城日落成旗風指點單于苑園中却笑當時漢飛將控弦十
萬事西戎

贈陸尉

天山隱隱月如弓綠酒華燈今夕同客愛鄉鄰投解舍厓深重

僕卧屏風漠南花發單于墓塞下人畊元昊宮四海爲家無羽
檄多君詩版滿雲中

馬上

去國三千里之官一月程不須關吏候自有萬峯迎

將至郡城小憩沈氏村樓

駐馬銀川雪滿身賀蘭山外淨無塵寄聲父老休相訝我亦江
南簑笠人

中衛道中口占

嶂疊峯攔未可攀清時猶戍勝金關唐宗宋代干戈裏此地何
人飽看山

水寒沙暝不容舟引入田塍四慢流坐臥輕車如屋裏涼風六月豆花秋

叱叱柴車黃犢輕陰陰白屋幾烟生誰知今日雲中守却聽江南打麥聲

勘災二十二韻

喔喔晨雞鳴行行整余駕駕言發遠郊省歛歷田舍五月雨旣零六月水淹壩八月隕早霜霜早傷我稼老農陟隴歎西風催糴極力田期逢年吹豳待飲蜡舊穀今莫儲敝褐不掩骼無以救寒饑禮義復奚暇將恐轉溝壑乃能事婚嫁
皇心普仁愛賜賑兼賜借豈惟給朝夕此實開治化不然化爲盜罹罪罪

不赦否亦之四方慘恆激悲咤萬室絕炊烟百物轉騰價爲問
牧民心此責欲誰卸慚愧守茲土案牘紛滿架縣官進圖籍胥
吏或影射周行徧窮簷日短繼以夜渴不飲酪漿饑不食羊炙
作詩示官吏紙盡不能罷羣山馬上寒黃河掌中瀉會當揚春
風澤鴻庶攸藉

宿村舍主人餽雞酒書此却之

乍看時雨催春種又被秋霜損稻花太守巡行留一宿不教雞
黍費田家

至夜宿廣武

今夕復何夕蕭寥廣武間河聲猶撼郭雲氣半藏山律管回春

夢燈花笑客顏鄉心鴻雁外片月獨臨關

石空寺

策馬石空寺登臨畏及冬佛燈明古竇僧語咽殘鐘白日有寒
色青山無躁客了然絕塵想不必問降龍

勝金關

古戍入雲標天寒馬不驕山形如臥虎風勢欲盤鵬比戶歸耕
鑿長河自暮朝從來征戰地殘照話漁樵

凱歌墩

撞金伐鼓出關門古木寒鴉又一邨多少沙場征戍骨行人獨
上凱歌墩

蘆塘道中

秦雲隴月渺天涯策馬蘆塘路轉賒
磧裏有邨先見樹巖間得水小成家
雪消沙鼠時穿穴雨過山茨自著花
瘠土未量歸正賦野人隨意治蓬麻

銀川書院詩

有序

銀川向有書院而庫隘湫濕殊不可居
余既至郡擴其舊而新是謀經始於戊
子秋七月十又六日至九月二十一日
落成顏其堂曰大雅後爲巖綠書堂其
東以藏書曰探源星海之樓東西設學
舍月有課日有規院長路編修談夏人也篤
信好古獎掖後進余亦時往爲諸生講
肄因系以詩以俟後

之君子

大雅堂

天臨秋塞河聲落城遠虛堂樹色侵爲對銀川思錫鼇欲從西
夏續東林可無大雅扶輪手共此名山敬業心作者何人今未
晚吾儕當爲惜分陰

巖綠書堂

舊有巖綠書院今廢

巖疆地僻開文苑今日堂成頗舊名秦地著書周柱史漢家說
禮魯諸生隔簾小草自春色當徑疎槐特鳥聲師友百年風義
在半庭幽綠眼猶明

探源星海之樓

泊水定知由積石修文先與訪遺經
縹緗滿架耽幽討風雨登樓念典型
洗硯遠分星海綠檢書長對賀蘭青
源頭識得從天落好爲陶鎔到性靈

送伍尉

有序

乾隆己丑仲春丙山伍尉量移廸化城
瀕行索余詩余自去年二月奉

命守西夏出蕭關登賀蘭厯高關覽古
來征戍之所在而歎帝德之洋溢於莫
外也蓋自秦漢以迄明季厯世既遠西
北之國叛服不常兵革不息邊塞騷然
未有安車夜行無犬吠之警數萬里如
一家也尉之行雖遠猶邇故欣然送之而
系

以詩城於古爲輪臺地

邊城二月河冰開千里萬里春風來春風吹而雪如掌忽聞凍
雨灑窗響念君當上古輪臺令我臨風發遐想昔人征戰今人
耕劍河飲馬雪海行輪臺城頭漢月白走馬川邊一川石石應
爛盡月常明來照霜前夜行客賀蘭山樹青未青送行多向十
里亭男兒投筆封萬戶莫言此去常辛苦美人帳下盡彈箏大
將營中夜擣鼓只道儒冠能誤人却將毛穎自隨身呼兒牽過
大宛馬騎出陽關不見塵

和鄭蘭州

王臣

集歸去來辭字十首卽送歸莆田

命駕向征路遠懷胡可言清時容嘯傲吾願樂邱園孤軸微雲

出飛泉萬壑奔歸來遙倚杖稚子候衡門

知有歸田賦常懷經世心去留期自得憂樂復相尋時菊已盈
徑南風聊與琴余情良獨遠撫景可登臨

今日非昨日良辰安可留欣言酌春酒聊以消我憂日入鳥還
息天清雲自流乘時觀物化行樂復何求

我欲向天路乘雲之帝鄉化行生萬物流盼老三光策駕已留
景臨風或命觴遐觀復清嘯世事亦何常

清光入我室得酒聊自娛獨酌鳥飛盡孤舟人去時既無行役
感復有春風吹告往知來者始可與言詩

心絕往來徑出門還入門懷人撫松菊老我是壺尊日涉以成

趣風流猶有存笑爲獨惆悵且與問田園

往者出關去孤征常向晨飄風不覺遠時鳥自知春矯首觀雲
物迷途問路人人生亦何有行樂及良辰

杖策憩雲木攜琴萬壑泉孤舟人載酒荒徑鳥耘田樂事存知
已衡門悵遠天輕流颺遙棹歸去及春前

役役感游子行行爲問余未尋三徑樂欲策萬言書春去人將
老風來雲自舒鄉關雖已遠可以命吾車

我亦欲東矣子兮胡獨歸琴樽駕輕棹僮僕易征衣鳥悅雲光
遠人行松逕微寄言形役者往事已知非

蓮花池餞別鄭蘭陔次鄭韻

直掛雲旆向海南折殘疎柳過江潭青山對酒人將別白露迎
秋思不堪爲我試探泉第二攜童聊與馬成三他年桂樹叢生
處留取閒窗十日談

騎馬聯吟悵路歧不須絲竹勸金卮白雲自識陶宏景流水深
慙鍾子期猿鳥驚心花落後關河分手雁來時悠悠巖口紛無
據我亦清狂奈爾疑

過彈箏峽

傾耳來秦聲非琴亦非筑悠然無絃旨琤潺戛寒玉一磧入深
窈兩疊互廻伏披雲出奇峭沿洞自幽獨勞勞逐輪蹄宵宵緬
川谷樹靜風欲遲泉喧巖更綠扶藤巖路間剔蘚恣百讀何客

駐征驂吟心感太祝

儲光義有奉使
過彈弓賦詩

鄭蘭陔枉書兼寄新作率成一絕

金城太守身姓鄭日對秋風動秋興橫琴坐肅無人同黃河聲
落皐蘭應

飛仙引

登煙嶺山
飛仙閣作

我欲使蓬萊海水挂眼前波濤不運蛟龍眠我欲使崑崙西極
在庭戶鸞車虎節迎羣仙羣仙往來竟安託我欲乘風控元鶴
廣成一去五千年登此烟嵐縹緲之飛閣飛閣何玲瓏巖巖望
如削騎肉馬以升天兮乞不死之良藥人拾級以聯臂兮颯霜
林而捲薤鏗鳴鐘兮韻松柯振石而欲落躡飛景兮焉留雲橫

洞兮歸壑我獨胡爲此踟躕兮盍從風縱體逍遙乎層岑蒼崖
合沓在孟底倏燦晦冥風雨作悄空山兮響杜鵑盤秋旻兮厲
鵬鷃練余心兮浸寥廓虎拊瑟兮龍歌指金墉兮銀幕御閭闔
之長風聽鈞天之廣樂仙乎仙乎化形隱景兮吾烏知其有無
我不能學彭祖之偃仰詎信僑松之呼吸咆噓亦不能擊碎長
房之玉壺毀棄巾笥之白驢一冥然於萬物芻狗兮天地洪爐
東海揚塵幾千載軒轅弓劍今安在惟有崆峒萬仞常不改碧
天高高元鶴飛冰壺倒月澄光彩我欲從赤松子遊兮但見青
冥浩蕩雲如海

雨中崆峒絕頂至馬驥峯同許石蘭王鶴亭

萬樹酣霜萬葉風
亂山秋雨一枝筇
不知石海雲濤上
何處餐霞訪赤松

馬驥峯香山寺次石蘭韻

絕巘臨無地
奔峯上及天
孤雲落我掌
飛雨過山顛
行客憩危石
殘僧烹活泉
相攜許元度
吟嘯足清緣

送從姪南歸

天邊獨客馬行遲
關外殘秋雁去時
秦地山川原似鏡
瀟陵風雪只宜詩
寒衣未授家何處
長鋏將歸鬢已絲
到日江梅應正發
好憑驛使寄南枝

瓦亭遇鄭別駕景還涇縣故居

泉鳴金佛峽月照瓦亭關此地一相遇送君歸舊山舟從秋浦
遠溪與琴高閑揮手碧雲晚應騎赤鯉還

遊五泉亭

有序

余官農曹時嘗夢至一山歷危磴登岑樓青蓮座上香案中有
通替發之則一函玉屑如糖霜味微甘下樓見一泉上有
篆書甘泉字覺猶記憶忽忽十餘年己丑九月廿二日同鄭

王臣

太守陞

王任

州牧遊臯蘭山觀五泉所歷與夢無不合

惟甘泉字則大書甘露泉近人筆也以語二君二君曰有如
是乎不可以無詩分韻得蕭字援筆慨然不自知其夢非也

深秋落木山嶺岼古亭無人飛碧湍恍然重憶十年夢天雞啼

曙清漏殘初綠曲徑莎草綠忽入千林霜葉丹迴風灑壁散泉
脈空翠濕衣搖石壇危樓架巖跨絕壑巖溜紉滴聲珊珊下臨
一鑑照我影仰見二字題崖端甘泉禁扁忽移此陽冰妙墨形
神完亦知此夢久應寤詎料此景重遊觀自從去歲繫征鞅便
擬乘興攜月團馳驅未竟忽復去日月流轉如擲丸聞昔嫫姚
畧西極短兵鏖戰斬折蘭三軍大呼陵谷應萬馬渴飲瓊漿寒
至今勝地足吟眺笑我與爾皆儒冠篇章何必凌鮑謝事業乃
欲期范韓以蕉覆鹿我何有因風動幡君自看夢中說夢覺而
笑鐘聲日暮來河干

同作得舉字

蒲州

鄭王臣

慎人

天風吹我來亭臯江東顧陸同盤敖五泉名見水經注

水經注西

平亭北有土樓神祠右側五泉注之

流逕土樓連湟洮去城五里遠闌闌車馬

罕到無喧呶

音

丹梯紺壁互觀薛白楊翠柏交樛椽

音

糾莎

一路被修坂落葉萬片填枯壕拾輿飛步上山去雙脚直欲

凌颯嘈我身強健似黃犢公等趨捷如青猱天與尋幽濟勝

具登降上下翔且翺西頭軒館頗疎豁一亭結構山坳罕亭

外懸崖矗雲起雪竇噴薄飛玉濤其旁泉眼四散落泠泠清

韻鏗仙璈汲泉安竈煮石鼎試茶不入鹽薑熬蕤甌到手味

清絕兩腋頓覺風颼颼顧公擡頭忽微笑十年前夢來登高

甘泉二字大於斗篆文詰屈盤蛟鼉扳躋石磴上佛閣金仙

寶相纏錦條香案橫陳漆色黑通替中有經函綰眼前景物

宛昨夢思數曾不差釐毫此日間遊豈易得亦關定數誰能

逃我言此事古所有冥冥中有天人操徵夢亭成往事驗豆

署本名輔真將改名其夕夢一老人言子當四舉成名四者
甚佳後二十年當作此郡守指郡中隙地曰此可建亭既寤

思之四者著也遂以爲名後登第太和九年爲湖州刺史
州刺史覽郡內得夢中所指地遂建亭名曰徵夢壽星院悟

前牛遭蘇東坡答錢鼎主簿陳師中書云在杭州嘗遊壽星
院入門便悟曾到能言其院後堂殿山石處故詩中

有前生已孔黃不作孰能辨說因說想徒嘈嘈空花幻影置
到之語

勿論且其游玩舒鬱陶憑欄騁目見百里洪河東去流滔滔

鄭伯津頭白日下允吾音路城外驚飈號鼻烟濛濛翠若舞

遶樹歷歷纖如毛寒郊來往人絡繹瑣紉髭鬚蟻與嘈騰然

壘塊起方寸臨風懷古增煩惱曾聞驃騎此破敵壯士十萬
森弓刀短兵鏖戰血漂杵殺人直比屠豚羔勦名蓋代勒鐘
鼎道旁笳鼓驚兒曹又聞王孫上方畧屯田吏卒勤耘殖先
零罕开遠竄伏不敢豕突豺狼嗥當時可將無踰者此老嘆
嗜真人豪至今其人竟安在俠骨已化原頭蒿百年富貴電
光滅千古英雄江浪淘茫茫天地一大夢髑髏翻笑生人勞
填胸感慨說不盡不如歸去傾芳醪還家秉燭夜開燕白波
倒捲成醅醺醉餘分韻鬪敏捷盤空硬語追楚騷

重過勝金關

夏人以予舊題壁
間詩刻石感賦

冰漸依舊小河濱村落雞聲日又曛立馬自慚諸父老當關猶

識故將軍壁間片石留題句山口危峰補斷雲何事往來還未
定寺鐘遙起戍樓聞

大雅堂夜坐留別諸文士

離心如落葉飄散忽無端剩月孤吟夜空堂獨樹寒杜陵思廣
厦韓子揖我冠驅馬且東去予襟良未殫

我我層冰

我我層冰我欲南登拔劍出匣劍寒殺燈解一我我層冰落落北

斗熊咆我前虎嘯我後解二我我層冰民或無務誰爲父母莫我

肯顧解三我我層冰何時陽春草木黃落兮思松筠羽毛戢戢兮

思鳳麟解四

五原

霜落五原樹邊城朔吹哀亂泉隨地出孤鳥向人來漢節蕭關道唐宗靈武臺山川自莽蒼立馬一徘徊

崇信縣

芮鞠故址有公劉廟大公迎鑾坡

隴頭吹角寒雲孤芮鞠遺風信有無高坂夕陽明雉堞平烟積雪帶鶉觚卽今陟嶽瞻侯度終古流泉遶故都爲指荒坡思往事壺漿簞食頌來蘇

遊芮谷龍泉寺

龍泉山上龍泉寺笑酌寒漿一醉哦正憶江南老桑苧來尋丈室病維摩

寺有卧佛像

懸崖欲落似朝菌積雪半消猶綠莎只恐潛

虬會飛去不同怖鴿住巖阿

古柏巖有相倒垂如虬龍狀長丈許不增不減蓋數千年物也野鴿

多巢於其下

次韻王觀察望雪山

祁連山上千年雪
兵氣消時玉色新
落日單于收戰馬
西風漢使議和親
試吹羌笛頭應白
欲寄寒衣信未真
爭羨邊庭班定遠
歸來萬里送車麟

欒泉集詩七

無錫文苑閣排印

響泉集 詩八

金匱 顧光旭 華陽 五世族孫鳴鳳校刊

風草行廬藁下

起庚寅春
止壬辰夏

柳湖書院六詠

有序

己丑八月予移守平涼甫下車學使者劉公按郡顧多士而
語予曰此空同秀民也惜乎質美而未學予曰是守土者責
也北門外里許爲明韓藩廢苑綠楊夾徑暖泉溢塘都人士
相率往觀會心不在遠也書院之築始此矣於是疏泉鑿池
爲堂於其上顏曰觀海堂後通以板橋厯階而升爲深柳讀
書堂堂之東爲響鶴山房又東爲上學舍九下學舍九又東

爲時雨亭沿隄築橋折而東南爲飲水亭太守請學於此輒
酌水煮茗焉又東南而爲青藜閣則羣木陰森烟嵐倒景尋
流討源窅然深矣是舉也予捐俸爲之倡郡司馬一人牧令
十人飲金各有差越明年二月落成暖泉元柳湖也因名曰
柳湖書院而系以詩

觀海堂

鑿池泉左右築室水中央一勺小滄海百年新草堂知仁從所
樂雲漢信爲章亦有尋源者宜闢數仞牆

深柳讀書堂

堂下水初生林邊春服成四圍深柳色終日讀書聲靜對黃鸝

坐閒隨白鷺行往來頻宿宿風露一琴橫

響鶴山房

體備有玄鶴洞余宿曉泉上聞鶴聲因題於額

老鶴響空山餘音去復還
翛然掩關臥聲在翠微間
湖月一何靜嶺雲相與閒
在陰誰爾和春磬寫潺潺

時雨亭

一夕破春犁重重柳暗隄
雲鳩鳴板屋穀雨漲前谿
始覺杏花喜漸看蒲葉齊
斷霞明日腳遙在小亭西

飲水亭

暝泉泉未暝一飲一清心
亭影倒青漢水光登碧林
弄花香滿掬坐月露盈襟
此意有誰領臨淵深更深

青藜閣

然藜非太乙開帙得吾真小閣自虛照高文如有神天光懸劍
佩夜氣聚星辰於此其刪述絃歌風俗淳

春日行華亭山中

朝烟翳林木曠望發蔥蒨陽光煦潛潁新綠一以徧迢遞車塵
間參差屋廬見余本漁樵人愛此山水縣惠風憺清流孤霞散
餘絢王程敢後時涉目肆怡衍石險削天根川平寫山面解鞍
弄潺湲結軫騁遐甸爲邦又及期鳴鳥忽已變青疇聚簞笠平
野尙霜霰吏事罕休暇農時動深眷民天廼在食政教被餘善
永言單父賢庶以鳴琴薦

木峽

澗水龍鱗到峽分
人家鳥道掛斜曛
下山却望羣峯暝
殘雪浮堂半似雲

六盤山

終南山尾大不掉
倔強青雲立天表
茫茫萬古堆六盤
鑿破洪濛割昏曉
六盤突兀控西陲
隴水中開忽顛倒
川原上下殊多途
不爾此山猶蜀道
魏公能使賊膽寒
任福無謀驚鮑老
鴿鈴一放萬人呼
歸馬殘旗鼓聲杳
此時此山如壞雲
廻看白豹在城

陽臨元昊勝敗兵家事
不常我今弔古空荒草
不見當時避暑

樓飛來好水川邊鳥
却植年來回部歸
開疆萬里烽烟掃
遂令

山勢接祁連直至伊犁列城堡玉石珍怪詎足多東來橐駝西
驪褭起望黃河青海間晏然雖犬無紛擾村笳社鼓山下喧歲
歲年年山自好出雲降雨神所司爲向山靈心默禱爲向山靈
心默禱忍使吾民憂旱澇

涇州尋瑤池

驅馬飲山綠桃花諸澗流山行不數里花發幾千秋殿上傳青
鳥雲中駕赤虬鄧耶茂陵樹落葉使人愁

重遊崆峒山

有序

庚寅春暮許石蘭司馬于秋圃明府屠赤文記室偕遊崆峒
積雨初霽落英纈紛俯仰前遊已成陳迹以曩時有石海雲

濤之句拈分石字成十五韻率爾之作邈然惘然云爾

崆峒天下奇乃是羽人宅去郭三十里亭亭隱松柏蒞郡半載
餘時時望絕壁及暇思一登昨秋有雙屐當時數同游吾友一
彭澤其餘四五人元度最莫逆今春元度來重與理輕策林巒
餘故情人代忽如客數子各分散彭澤竟安適

去秋此遊有五
人陶爾清大尹

許石蘭司馬與焉
今陶沒兩月矣

時鳥已變聲苔艸亦含碧臨風一俯仰瀟灑

脫巾憤心知神仙幻聊復尋靈跡形骸不自檢何由鍊精魄落
花滿空壇飛雨濕瑤席君欲求長生山下問黃石

續夢

八月十四夜夢中得句云喜照
霜色清不在人境外覺而續之

朝光射崆峒夢覺雲靈巖喜照霜色清不在人境外涼風落庭

一重樓臺木
陽秋草映書帶念茲歲將寒榮瘁非一槩荆竹始萌方移郡孰
云大瘡痍紛在眼何以稱報最治賦饑饉餘折獄片言內吾斯
信未能無學生愧悔好龍龍爲霖好鶴鶴乘蓋乘蓋非鶴心爲
霖龍自沛

酒旗次韻遙和陳勾山太僕

茸帽鞭絲醉落紅愛看颺影碧流中一江春水釀於酒淺樹絲
楊斜帶風別浦搖搖人遠近夕陽冉冉馬西東杏花村落清明
好指點依稀記牧童

白紵歌成怨洗紅一行誇酒字當中立殘南浦霏霏雨吹上春
衫葉葉風紉馬暗塵遮巷北疎燈高樹颺牆東鑿鑿社鼓深宵

影過市休迷五尺童

霜飄檐角閃霞紅
愁裏相看似夢中
怪底低垂常竟日
自然搖曳不因風
花翻衣桁人何處
柳拂旌竿水自東
誰唱白銀鞵一曲
攔街拍手笑兒童

騎馬春明蹴軟紅
冰漿銅盃廿年中
醉眠甕畔三竿日
錯認檣端五兩風
客自南來征雁北
我偏西向伯勞東
飄搖只在天涯路
憔悴何由顏更童

昨夜吟箋砑粉紅
馬周牢落酒人中
新題湖海樓邊句
往事粉榆社裏風
金屈戌搖清渭
北雨淋鈴語灞陵
東幾回立馬河橋
望剩有奚囊付阿童

千里鶯啼綠更紅

用杜牧句

江南江北暮雲中
蘭陵鎮上當頭月揚

子津頭滿店風酒客關心歌板外
旗亭回首畫橋東
落花飛絮飄零慣扶醉歸來倚小童

隴頭回望暮烟紅
渺渺周原樹色中
豈是青旂行月令
好將春酒入幽風
關城落日高平好
板屋空霜小
大東逆旅見招成
信宿浮雲車蓋雨
童童

幾回相見旅顏紅
一笑逢迎大道中
似我獨醒還獨醉
憐渠擔雨復擔風
青衫司馬琵琶外
翠袖佳人蠅蝶中
得小勾留君且住
清樽白髮換歌童

和張幼華送秋

塞艸秦雲滿舊愁
簾痕燈影小勾留
青山一髮江南別
二十年來此送秋

孟冬經青嵐山感成二首

落日炊烟絕行人
且脫驂饑年悲赤子
寒色愴青嵐
產破妻孥賤腸枯草木甘
道旁一相顧欲語淚先含

夏旱赤千里秋霜殺六盤
誰云爲父母而使忍饑寒
瘠土供餽薄災黎慰問難
其承筐篚澤五夜聖心殫

曉行寄諸竺莊

世器

山光醒曉夢秋思落河梁
欲語無知者相逢多異鄉
星懸高士榻月上旅人裝
今夜蕭關道南飛雁幾行

歸養有期矣臺司以災政故暫留兩月不敢辭也仲冬二
日自蘭州東行老弱顛隳於道安會間尤甚觸目慄然用
竺莊延綬道中韻九首

策馬關山也自豪回看跌蕩九門高攀天欲放書雲筆駕海難
施斷水刀歸夢瞻依雙鶴髮浮生出處一鴻毛陳情直爲南陔
賦穀桂何心續雅騷

吾道微茫孰步塵幾曾經術變韓申 清時書詔先循吏儉歲
田廬少富人漫叟歌行心最苦監門圖繪事偏真隴頭水咽干
山雪欲渡無梁隔遠津

四野風酸且放歌短衣露脛淚滂沱但聽鴻雁號窮塞誰牧牛

羊散遠坡作堵可憐安宅少撫襟翻愧距心多吁嗟道殣空回
顧落日行人不敢過

西望五泉東六盤烟鬟霧鬢思無端旱雲如火三時赤白露爲

霜八月寒華頂尖埋愁靈巒橋中斷激潏潏

甘省受旱陝省
水決與安州

渭橋爲
之衝

分明一水從天落倘遣黃流潤賀蘭

盛夏得河渠之利
今夏黃水減落丈

餘

十行飛下語皇皇扶杖聽來萬里長邊地歡聲同近輦金天

殺氣斂寒芒未言疾苦

勤先問欲救瘡痍願誰忘

臣旭

剖符

稱守土憂來中夜起搥床

奉恩行勸不成
災之處分別加賑

輪轉羊腸路未窮山形駭米古稱雄如雲要藉丁男力此雪龍

成戊尉功

時得雪
二寸許

輕去其鄉何日返嗟來不食幾人同卽今懸

釜炊無粒奚暇先籌疆畝東

萬井烟空氣慘悽縱教移粟路猶迷羸牛曳挽青天上餓骨支

撐白日西持帖打門愁出入戒徒擊鼓趁高低救災畢竟無奇

策千里蕭條五馬嘶

隴中郡縣古邊城堡衛紛然尙舊名府庫金錢勞轉運

甘省歲
請帑

金三百餘萬而探賈賑災等費在外閭閻衣食恃常平

甘省民貧冬春之間多仰
給官倉歲又屢歉不能還

有積通十數年者更無隔歲千箱積直望來秋萬寶成好爲蒼生作霖

雨春晴布穀喚歸耕

欲解征鞍又著鞭三年走馬一陽前

戊子長至宿廣武己丑无亭庚寅會靈

朝廷

德意原無外河朔隆寒未極邊爲國莫先農事急親民須使
有司賢請看餒骨填溝壑忍竊丹砂便學仙

郡齋寒夜次韻分答同學諸子詠梅花

萬斛清光筆可扛幾回吟對意先降不知橫笛客何處應有抱
琴人渡江豈不懷歸今已晚偶然相見自無雙隴頭驛使空消
息澹月朦朧暗逗窗

和周志遠

巡簷淡月望江南我與梅花共一龕野鶴夢魂忘去住蹇驢風
雪憶朝參故鄉此日花開未官閣逢春歲閱三

余自戊子作薄
都於今三年

有石田莊屋在竹床茶竈恣幽探

和王相英

灑空烟月足清真鐵石心肝白玉身畫角數聲寒到曉素琴三

弄悄逢春風塵外物無凡想山水間儀見古人東閣愧非何水

部一吟一酌且頻頻

和張
相孫

庚寅冬得華巨川西安書述去秋與王癸公遊栖霞之勝

感舊懷歸書此奉答

故人書發長安郵海月石華雙照眸令我因君憶王子不知王
子能知不我昔看花醉燕市醉中嘯傲凌滄洲惟於王子意莫
逆往往對臥元龍樓遂欲枕書蓬海上直將架筆崑崙邱板松
之雲元圃月一片飛落三山愁三山遙望邈天際兩地相思隨
水流渠既南浮秋浦應舟憐我作蕭關游清時自騎汗血馬朔
雪欲犯豐貂裘靈武臺邊往來路千年人去枯髑髏汾陽立功

始於此賀蘭削出青天浮我騰而上更懷古黃河青海空悠悠
但欲抽刀斷流水忽復移守朝那湫崆峒秀色落吾手雄劍一
躍不可收歲晚瑤池駕紫騮涇州回中山上有歌殘黃竹行歸
王母宮下有瑤池休王母宮前松柏裏侍女擊鉢彈箏篴鏘然宛似鳳凰叫下聽
百鳥聲啁啾羌兒淚落隴頭水庭前野鹿鳴呦呦漢武旌旗不
到海雲中雞犬何所投神仙之說太惚恍我來況又三千秋君
從栖霞弄烟月王喬一宿雙鳬留寂寞邊關不自出紙窗夜響
風颭颭讀君書札喜不寐惜哉乘興無王猷積雪滿山月滿把
作詩遙寄發清謳男兒何必掛吳鉤歸去長爲馬少游

次韻畢秋帆廉使六盤山見懷

雙旌高捲雪花殘一徑橫空鳥道盤正是雁聲淒斷可勝山
氣逼人寒范韓持節功方大稷契憂時慘不懽慙我永無康濟
畧應憐親老許休官

秋帆傳制府語慰留
以災政暫緩歸養

崆峒草木亦凋殘駐馬遙看思鬱盤四面有山頻歲旱三冬無
雪忽春寒金章紫綬君恩重白飯青芻地主懼民隱正須宣
室對乞將霖雨旱之官

時秋帆以新除西
安按察使入覲

贈鎮原易令

文基

用前韻

令君佳政可勝殘曾侍金門沍露盤珮底崇蘭湘浦道補邊修
竹玉堂寒花開山縣籃輿入麥秀春城竹馬歡聖主勤民資
保障肯教循吏作閒官

啄木

不聞鳥聲但聞木聲傾耳聽之木靜鳥鳴

解一

不鳴而啄一鳴去

木何木無蠹維鳥哺鷦

解二

哺鷦爾仁去蠹爾力有木始華點蠹

其實

解三

憶錦樹里別業

烟樹江南開園林含綠滋竹深呼雉子藻密隱魚兒花塢綠溪
靜春船上水遲何當隨几杖步履賦新詩

後樂園對雨贈范秀才

去年驅馬岐山陽六月不雨百草黃今年出舍岐山麓六月如
秋眾山綠百草黃時鴻雁哀眾山綠遍未歸來不知後樂園中

雨後日隨風散九垓

卧月軒雨霽

驟雨驅雲去清暉貯小庭天浮銀漢白秋到樹根青是日可以

命吾駕將無虛此亭余已命駕為雨所阻燭搖風帙亂隔座看移星

題許石蘭司馬錄觀荷寫真

外湖山近裏湖青見說君家傍水亭隴坂秋風月支道打窗疎

雨夢西冷

薄有閑情早放衙暖泉亭下種蓮花田田待得青荷葉策馬搖

鞭去路賒去歲與諸君種荷於暖泉茲未開而今已雲散

憶曾放舸青峒峽山色河聲雨雨迎何似錢塘潮落後雙鬢柔

櫓月中行

爲戀 君恩未拂衣廿年苦憶故山薇芙蓉湖上舟如葉送爾
歸時我不歸

登安瀾閣

在皋蘭河橋上

皋蘭門外黃河直封樁滅沒蛟龍泣河源至此四千五百里徙

倚危欄愁禹力此閣壓橋頭鐵鎖廿四舟

環鎖二十四舟橫置爲橋

萬里黃

河只一橋

開闢此七字

東流不溢君知不張鷟西行不到崑崙邱誰

從九曲尋源流或云源出朶甘思西鄙有泉百餘沮洳散渙方

七八十里自上瞰之如列星東經赤寶

河

黃河始中更歧爲八

九支東北雪山崑崙是崑崙東北流遂至積石址葱嶺于闐有

兩源至今考古疑圖史九州以外置勿論極目洪流去如駛行
所無事大難夷我懷明德禹遠矣安瀾當使行地中後千餘年

而河徙

周定王五年
秋河徙於陸渚

秦將攻魏斷故渠朱三遏晉決河水九河

故道況蚤堙分流入淮烏能已去年登此河水冰河冰橋成馬
凌兢今年復登河水生漂沙轉石搖金城西北尺水南丈波古
來河患何其多安得玉書金簡指畫方略爲治河噫嘻乎縱有
玉書金簡出古文蝌蚪迷漫不能悉

贈李四

全

隴上西風吹馬鬣與君塵海忽相逢彈棋白日人間世縱酒青
春物外蹤山靜有聲還自答水空無色若爲容黃河東走崑崙

遠萬里浮雲一瘦筇

五泉

石壁飛泉樹杪風
金城一半夕陽紅
君看萬井烟生處
只在嫖姚戰壘中

贈韋三

三年病鶴骨離奇
客裏逢君度隴遲
道是城南天尺五
不爲良相卽名醫

古浪道中

五涼雪滿馬蹄熱
雙塔日高人語喧
行到峽中山萬疊
玉龍破浪走潺湲

莊浪道中

寒林殘雪微陽裏
山澗清流疊嶂間
正憶江南好風景
馬頭雲起見天山

醉歌行

與尹子山醉後論三國人物即席賦此

大兒孔文舉小兒楊德祖
此語聞之補正平絕勝筵前一搥鼓
一搥鼓爲君舞天下英雄惟使君
髀月生時淚如雨臥龍騰起鳳雛飛
餘子碌碌不足數

壬辰元日立春

歲在辰月在寅
龍虎變化爲陽春
陽春御龍虎
歲履元日中午
午時
立看揚青旗
伐鼙鼓
青陽歌
雲翹舞
銀旛翻
綵旛舉
陽春來

歎萬戶不知陽春之來于何處大地無疆皆可睹
聖人山治
邁三古邁三古
奉明君且復旦兮協放勳同遊壽宇春臺上
銀管書開五色雲

蘇武山

并序

昔吾友龔思補曰武何如人與不降其志不辱其身雖與夷
齊爭烈可也鎮番縣有蘇武山俗傳爲武牧羊處行縣過其
下賦詩以志景仰恨不與思補見之也

抗節境逾絕翼哉蘇子卿夷齊去千載天海揚孤清麟閣鬚眉
老龍沙歲月更牧羝寬何處積雪照山明

柳林湖三首

在鎮番縣
東北口外

邊色上吟鞍春風二月寒野人耕塞外使節駐河干沙磧無新柳溝塍自激湍停車一慰問天地此中寬

雪水環而下冰漸流欲無天開沙地瘠春入塞雲腴莫辨金銀

氣還將鹿豕俱

時番地產金

公家有條教畊鑿到唐虞

夾路生紅柳盤根剗鐵陽常時人負耒春日女攜筐樵牧遵微

徑華夷界古牆

我朝中外一家牆邊世存其址

窮邊成聚落

聖化徧諸羌

曉發古浪峽

入峽復出峽山重水更重眾流爭一壑片月轉諸峯倚石呼甘

酒

飲有石如崇臺凡釀有酸者剗片燂入酒中卽變佳釀名醴酒石明郎中陳集曰是什也乃更名什大書三字於石

驂問黑松

驛名

雪消鴻爪印欲覓覓何從

望園讌集次尹亭山韻

庭花壓檐香綃生山翠落几微雲呈參差林影柳飄絮下上鳥
聲人弄笙紅藥詩篇紫薇省青春杯酌黃河清眼前好景莫相
負階下蒼苔鋪雜莢

題亭山望園唱和詩再用前韻

文章妙處本天生草木何知亦自呈當戶花開明石鏡隔烟人
語韻餅筵春空水色無邊綠雨霽山光分外清消得詩情歸酒
盞欲從陶穀問魚英

四月廿九日喜雨

昨來屋瓦飛塵埃紙窗失喜聞輕雷久晴不雨雲亦好雷忽收

聲雲欲埽拔劍咒水學步禱雲開未開風一呼風聲搏擊雲馳
驅俄頃風定雲模糊蕭蕭械械疏復密兒童拍手雨聲急下民
望澤真宰泣頽雲壓檐欲二更聽風聽雨燈微明夢騎雨工造
天庭天庭冥冥雲四下龍公施雨駕龍馬我酌龍公以玉竿酌
之三爵祈雨膏俯身竊聽聲騷騷魂悸魄動心煩勞擁衾惟覺
簷溜瀉疑傍龍宮結高舍銀竹森森冷光射衣裳顛倒敝戶看
迴風灑面點點寒屋角雲升尚瀟漫

復雨簡亭山

三日一爲霖檐聲是喜音以茲懷赤子何必種黃金舊雨連新
雨長吟更短吟封童傳驛騎持獻聖人心

小飲適亭山見和詩至走筆奉答

快飲復長吟
雲山韶蕩音
薰風拂君袖
海水鳴吾琴
夏木翠峯秀
恩波大澤深
縱橫振雄筆
雨脚正侵尋

雨霽亭山杜集卽次其韻

遶郭青山負郭田
滿庭空翠敞雕筵
昨來河畔人聽雨
正憶江南水拍天
汀柳岸花應好在
隱囊紗帽自悠然
看君獨具爲霖手
九曲黃流任轉旋

漫興四首

少小騎鯨碧海東
直教破浪快長風
黃河九曲依天轉
太華三峯拔地雄
獨立蒼茫瞻氣象
雙懸日月照洪濛
亦知經世原無

術霜鬢新來滿鏡中

百二山河控九州如雲車蓋擁鳴騶禁鐘微動宮花曉邊馬頻嘶塞草秋醉尉可能輕李廣漢家終自憶條侯只教薄海歌清晏射虎歸來老便休

隴上誰知班叔皮隗囂宮外繫人思一家兒女傳經術兩代功名上鼎彝西域羽書成已事東京文物盛於斯我來攬轡更懷古惟見浮雲天四垂

梅子黃時梔子肥教雛江燕自飛飛五千里外猶爲客二十年來苦憶歸桑柘綠烟田父宅谿山紅雨酒人衣匆匆走馬蕭關道何似漁簑臥釣磯